



MANIFEST ELDR-a ZA EVROPSKE IZBORE 2009.

Usvojeno na kongresu u Štokholmu 31. oktobra/listopada 2008.

GLAVNIH 15 TAČAKA EVROPSKIH LIBERALA ZA IZBORE U EVROPSKI PARLAMENT

Preko 60 godina Liberali u Evropskoj doprinose dostizanju mira, jedinstva i napretka. Nastavljamo raditi u pravcu izgradnje sposobnije i demokratičnije Unije, upotpunjavanja jedinstvenog tržišta, sigurnijeg okruženja i unaprjeđivanja građanskih sloboda i osnovnih prava. Želimo da Unija preuzme vodstvo u rješavanju globalnih prijetnji sigurnosti i odgovaranju na međunarodne financijske krize i njihove posljedice. Unija mora biti modernizirana i osnažena u skladu s vrijednostima i principima liberalne demokratije i tržišne ekonomije.

Liberali su treća najveća grupa u Evropskom parlamentu i često prave razliku u smislu zakona i politike.

ELDR vjeruje u nužnost usvajanja Lisabonskog ugovora i poziva na njegovu primjenu. Ugovor značajno preuređuje institucije Evropske unije, poboljšava transparentnost, pojačava svoj demokratski karakter i oprema EU sa neophodnim instrumentima za rješavanje današnjih globalnih izazova. Evropski Liberalni demokrati bodre članice EU da se slože oko načina njegove brze primjene.

Građanske slobode

Građanske i sve slobode su osnova za liberalnu Evropu.

1. ELDR zahtijeva poštovanje svih fundamentalnih sloboda u EU, naročito slobodu medija, mišljenja, govora, slobodu udruživanja, religije i imovinskih prava, te podržava prava manjina i prava pojedinaca na privatnost i zaštitu ličnih podataka i dostojanstva.
2. ELDR želi da EU postane istinsko područje slobode, sigurnosti i pravde i poziva na jaču saradnju između policije i sudskih organa kako bi se efikasno borili protiv prekograničnog kriminala, terorizma i korupcije. Osnovna proceduralna prava osumnjičenih osoba se moraju biti ispoštovana u svim okolnostima.

Jedinstveno tržište EU, rast i zapošljavanje

Prekogranično nadmetanje, dijeljenje znanja i slobodna trgovina robom i uslugama su neophodni za sve veću ekonomsku konkurentnost EU na međunarodnom planu.

3. ELDR podupire ideju 'pete slobode' - slobodnog kretanja znanja, uključujući veću pokretljivost studenata, akademika i istraživača među zemljama članicama u cilju podsticanja otkrića i pronalazaka. ELDR zahtijeva jedinstveno tržište za intelektualno vlasništvo.
4. ELDR vjeruje da je konkurentno evropsko poslovno okruženje esencijalno za ostvarenje najvišeg mogućeg standarda života evropskih građana i za podsticanje standarda EU na globalnom nivou. Jedinstveno tržište mora biti osnaženo i prošireno u oblastima energije, poštanskih usluga, finansijskih usluga, željeznica i zdravstva uz daljnje olakšavanje slobodnog kretanja usluga i radnika, uključujući i dodatno uzajamno priznavanje kvalifikacija. EU mora biti pokretačka snaga unutar Svjetske trgovinske organizacija za ukidanje carinskih taksi, necarinskih prepreka i za otvaranje evropskog jedinstvenog tržišta prema svijetu.
5. ELDR ponovo potvrđuje da održivi rast, nezavisnost Evropske centralne banke i nacionalnih centralnih banaka, kao i zdrava fiskalna politika prema kriterijima iz Maastrichta kojih se pridržavaju sve zemlje članice – uključujući i one će tek preći na euro, ostaju temelji prosperiteta i blagostanja. Samo stvarno konkurentna Evropa, koja otvara poslove i mogućnosti za sve, poduprijet će socijalnu dimenziju jedinstvenog tržišta.
6. ELDR pozdravlja korake u preuređivanju finansijskog sistema i naglašava da oni moraju biti zasnovani na boljim propisima udruženim sa mjerodavnim nadzorom za njihovu primjenu. Ključna garancija napretka leži u visokom stepenu lične odgovornosti svih učesnika tržišta. Povratak u politike nacionalizacije, prekomjerno donošenje propisa i protekcionizam bi predstavljali ogromnu grešku. ELDR podržava intenziviranu međunarodnu suradnju zakonodavaca i jačanje međunarodnih standarda, i vjeruje da preuređeni Međunarodni monetarni fond (MMF) treba imati vodeću ulogu u ovom procesu radi sprječavanja finansijskih kriza u budućnosti.
7. ELDR podržava uvođenje sistema 'plave karte' u EU koju izdaje svaka zemlja članica, sa kojom bi se osigurale odmjerene ekonomske migracije od kojih bi građani EU imali koristi.

Energetska i ekološka politika

Jedinstven izazov koji predstavljaju klimatske promjene i sigurnost izvora energije zahtijevaju ujedinjenu aktivnost širom Evrope. Evropa mora postati efikasna "nisko-ugljena" ekonomija i vodeća u svijetu u konzerviranju, korištenju obnovljive energije i kreativnim instrumentima tržišta, te na taj način omogućiti podsticaje za nove poslove.

8. ELDR naglašava da su u programskom paketu EU za rješavanje klimatskih promjena potrebe poslovanja smanjile administrativna opterećenja i uvele motivacije za stimuliranje ulaganja u tehnike u cilju poboljšanja snažne nisko-ugljične ekonomije. ELDR želi povećana ulaganja u tehnologije koje nude rješenja, efikasnost i povećanu sigurnost u snabdijevanju energijom.
9. ELDR želi razgrupirati evropsku energetska industriju radi osiguravanja transparentnosti i služenja interesu potrošača, objediniti klimatsku i energetska

politiku utemeljenu na održivom ekonomskom rastu, te zaštititi prirodno okruženje; u svemu tome primjenjivati globalno rukovođenje.

10. ELDR aktivno podstiče ambicioznu reformu Zajedničke poljoprivredne politike u području multilateralnog okvira Svjetske trgovinske organizacije. Ova reforma će poljoprivrednicima EU omogućiti konkurentnost na slobodnom globalnom tržištu, bolje ispunjavanje rastuće globalne potrebe za hranom uz odgovoran odnos prema okruženju, direktno financiranje istraživanja obnovljive energije uključujući i održivu novu generaciju biogoriva i pružiti garanciju za dugoročnu opskrbu namirnicama. ELDR pruža podršku neprekidnom smanjivanju budžeta Zajedničke poljoprivredne politike nakon 2013. godine.

Politika proširenja, vanjska politika, bezbjednost i odbrana

U globaliziranom svijetu ni jedna zemlja EU ne može samostalno preduzeti rješavanje problema prijetnji i izazova s kojima se danas susrećemo: vojno i civilno upravljanje krizom, osiguravanje snabdijevanja energijom i međunarodna trgovina, kontroliranje naoružanja i razoružanje, borba protiv terorizma, organizirani kriminal, klimatske promjene, siromaštvo i kršenje ljudskih prava. Od EU i njenih zemalja članica njeni građani očekuju zauzimanje jedinstvenog stava, zajedničko djelovanje i efikasnu ulogu u rješavanju globalnih pitanja.

11. ELDR smatra da proces proširenja EU predstavlja uspjeh i podržava poštovanje postojećih obaveza proširenja EU na one zemlje koje ispunjavaju kriterije iz Kopenhagena za pristupanje EU koji uključuju značaj sposobnosti integracije.
12. ELDR vjeruje da bi EU trebala imati važnu ulogu u efikasnom doprinosu u globalnoj bezbjednosti, a po potrebi i u suradnji sa NATO strukturama. Stoga pozivamo na ulaganje velikih, novih napora na osnaživanju i proširenju Evropske sigurnosne i odbrambene politike što će se postići udruživanjem resursa i mogućnosti koji su povezani s evropskom odbranom. Ovo bi osnažilo suradnju u oblasti vojne odbrane EU i njene aktivnosti u slučajevima međunarodne odbrane i humanitarnih intervencija.
13. ELDR vjeruje da se interesima zemalja članica EU najbolje može služiti kroz Zajedničku vanjsku i sigurnosnu politiku, putem koje će te zemlje izražavati svoje stavove kroz jedan glas, a to je glas visokog predstavnika za Zajedničku vanjsku i sigurnosnu politiku.
14. ELDR naglašava da EU i dalje mora raditi na osnaživanju svojih mogućnosti upravljanja građanskom krizom i koristiti svoje iskustvo za pružanje garancija stabilnosti, vladavine prava i principa dobre vladavine u zemljama koje se suočavaju ili su upoznale konfliktne situacije.
15. ELDR ohrabruje EU da iskoristi i još više proširi svoje znatno iskustvo izgradnje institucija i nacionalnog identiteta nakon konflikata kako bi bila spremnija za rješavanje situacija regionalne nestabilnosti, terorističkih prijetnji koje dolaze iz propalih država i humanitarne intervencije.